

Broj: 01-45-1-329/21
Sarajevo, 18.05.2021. godine

Na osnovu Posebnog sporazuma između Vijeća ministara Bosne i Hercegovine, koje zastupa Ministarstvo za ljudska prava i izbjeglice Bosne i Hercegovine, i Švedske, koju zastupa švedska Međunarodna razvojna agencija za saradnju, za podršku provođenju programa FIGAP II (2017. – 2021.) od 21.02.2018.godine i Supsidijarnog sporazuma između Ministarstva za ljudska prava i izbjeglice Bosne i Hercegovine, Gender centra - Centar za jednakost i ravnopravnost polova Republike Srpske i Gender Centra Federacije Bosne i Hercegovine od 24.10.2018. godnine, te Pravila o organizaciji i radu FIGAP II Programa, od 18.06.2019. godine, a u skladu sa Godišnjim planom rada FIGAP II Programa za 2021.godinu, Gender Centar Federacije Bosne i Hercegovine objavljuje:

JAVNI POZIV

Javni poziv za prijavu konsultanata za rad u tematskim grupama u okviru izrade Strategije za prevenciju i borbu protiv nasilja u porodici 2021.-2027.

Uvod

U okviru FIGAP II Programa za razdoblje od 2018. do 2021. godine kroz realizaciju prvog programskog cilja „Uspostavljene rodno – odgovorne politike u prioritetnim oblastima (rodno zasnovano nasilje, ekonomsko osnaživanje žena, učešće u javnom i političkom životu)“ podržava se izrada Strategije za prevenciju i borbu protiv nasilja u porodici 2021.-2027.

U skladu sa članom 36. Zakona o zaštiti od nasilja u porodici („Službene novine Federacije BiH“, broj 20/13) i članom 17. Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj 32/17), a na osnovu Odluke o izradi Strategije za prevenciju i borbu protiv nasilja u porodici 2021.-2027. („Službene novine Federacije BiH“, broj 19/21), podrška izradi nove sedmogodišnje Strategije za prevenciju i borbu protiv nasilja u porodici 2021.-2027 na prijedlog Izvršnog tima za izradu Strategije za prevenciju i borbu protiv nasilja u porodici 2021.-2027. se realizuje kroz uspostavu i rad tematskih grupa:

1. Prevencija;
2. Zaštita i podrška;
3. Istražne i pravosudne radnje.

Za potrebe izrade tematskih analiza u okviru tematskih radnih grupa traže se sljedeći konsultanti/ce - broj izvršilaca 13:

1. Konsultant/ica za oblast rada tužilaštva – primjena člana 222. Krivičnog zakona FBiH
2. Konsultant/ica za oblast rada suda – primjena člana 222. Krivičnog zakona FBiH
3. Konsultant/ica za oblast rada suda – primjena Zakona o zaštiti od nasilja u porodici FBiH (donošenje rješenja o izrečenim zaštitnim mjerama)
4. Konsultant/ica za oblast rada policije – postupanje policije
5. Konsultant/ica za oblast rada policije – provođenje i praćenje provedbe zaštitnih mjera
6. Konsultant/ica za oblast socijalne zaštite – pružanje usluga socijalne zaštite
7. Konsultant/ica za oblast socijalne zaštite – praćenje provedbe zaštitnih mjera
8. Konsultant/ica za oblast obrazovanja – edukativni i preventivni programi
9. Konsultant/ica za oblast rada zdravstva – zdravstvena zaštita
10. Konsultant/ica za oblast zdravstva – provođenje zaštitnih mjera
11. Konsultant/ica za oblast rada sigurnih kuća – rad sa žrtvama nasilja
12. Konsultant/ica za oblast pravne podrške žrtvama nasilja – besplatna pravna pomoć i podrška
13. Konsultant/ica za oblast medija – kampanje i promocija nenasilnog ponašanja

Zadaci i odgovornosti konsultanta/ice:

Izrada analize, situacione i SWOT analize, razmatranje i utvrđivanje ključnih problema, izazova i potencijala u tematskim oblastima i predlaganje rješenja kroz definiranje prijedloga strateških ciljeva u okviru tematske grupe, te na osnovu tih strateških ciljeva utvrđivanje prioriteta i mjera, ključnih aktivnosti i indikatora.

Za predmetnu uslugu potrebno je realizovati sljedeće aktivnosti:

- Uraditi analizu stanja u oblasti prevencije nasilja u porodici, aktivnostima u oblasti promjene individualnih obrazaca ponašanja i društvene svijesti kada je u pitanju nasilje u porodici, prepoznavanja faktora rizika radi pravovremenog preventivnog djelovanja i sl.
- Uraditi analizu stanja u oblasti zaštite i podrške, radu sa žrtvama nasilja i osobama koje su počinile nasilje u porodici, podrške u postupku i sl.
- Uraditi analizu stanja u oblasti istražnih i pravosudnih radnji u oblasti nasilja u porodici (primjena Krivičnog zakona Federacije BiH, Zakona o krivičnom postupku FBiH, Zakona o zaštiti od nasilja u porodici i drugih relevantnih zakona u praksi), pravovremenog djelovanja, donošenja i provedbe adekvatnih sankcija i sl.
- Utvrditi problemska pitanja koja se trebaju riješiti u predmetnoj oblasti kako bi se postigli standardi definisani prema Konvenciji Vijeća Evrope o sprečavanju i borbi protiv nasilja nad ženama i nasilja u porodici – Istanbulska konvencija ("Službeni glasnik BiH", broj 19/13).
- Voditi/organizirati sastanke (uživo i putem online platforme) sa članovima tematskih grupa i članovima Izvršnog tima.

Plan rada

- Inicijalni sastanak (juni 2021. godine) – *uvodno izlaganje, predstavljanje metodologije i podjela zadataka,*
- Priprema prvog nacrt analize sa predloženim mjerama (august 2021. godine) – prema dogovorenoj metodologiji konsultanti pojedinačno i uz međusobnu komunikaciju i prema dogovoru kroz zajedničke sastanke pripremaju prvi nacrt analize koja sadrži situacionu analizu, SWOT analizu, prioritete i mjere, ključne aktivnosti i indikatore,
- Konsultativni sastanak sa Izvršnim timom i Partnerskom grupom za konsultacije (septembar 2021. godine) – *radionica na kojoj će konsultanti predstaviti nalaze analize, te uz vođenje radionica/ce na osnovu prijedloga i sugestija učesnika unaprijediti nacrt analize,*
- Finalizacija analize (oktobar 2021. godine) – *dostavljanje finalne verzije analize sa svim potrebnim elementima.*

Uslovi anganžmana

Konsultant/ica će biti angažiran/a na osnovu ugovora o djelu. Na ovaj javni poziv se mogu prijaviti konsultanti/ice državljani Bosne i Hercegovine. Konsultanti/ca će se rasporediti u okviru jedne ili više tematskih grupa, a za svaku tematsku grupu će se odrediti voditelj grupe koji će imati ulogu vođenja koordinacije procesa i usaglašavanja finalnog materijala.

Kvalifikacije:

- Za pozicije 1., 2. i 3. (VSS, završen pravni fakultet, najmanje 5 godina radnog iskustva u predmetnoj oblasti, uz praktičnu primjenu Krivičnog zakona FBiH (član 222.), Zakona o krivičnom postupku FBiH, Zakona o zaštiti od nasilja u porodici FBiH i sl.)
- Za pozicije 4. i 5. (VSS, najmanje 5 godina radnog iskustva u provođenju istražnih radnji i provedbi i praćenju provedbe zaštitnih mjera u predmetnoj oblasti)
- Za poziciju 6. i 7. (VSS (socijalni rad ili psihologija) najmanje 5 godina iskustva u pružanju usluga socijalne zaštite i praćenju provedbe zaštitnih mjera u predmetnoj oblasti)
- Za poziciju 8. (VSS, najmanje 5 godina iskustva u izradi i provedbi obrazovnih programa sa fokusom na prevenciju u predmetnoj oblasti)
- Za poziciju 9. (VSS, medicinski fakultet, najmanje 5 godina iskustva u radu sa žrtvama i počiniocima nasilja u okviru zdravstva u predmetnoj oblasti)
- Za poziciju 10. VSS, najmanje 5 godina radnog iskustva u provedbi zaštitnih mjera
- Za poziciju 11. (VSS (socijalni rad ili psihologija) najmanje 5 godina iskustva u direktnom radu sa žrtvama nasilja u porodici koje su smještene u sigurnoj kući)
- Za poziciju 12. (VSS, završen pravni fakultet, najmanje 5 godina radnog iskustva u pružanju besplatne pravne pomoći i podrške u predmetnoj oblasti)
- Za poziciju 13. (VSS, završen fakultet žurnalistike, najmanje 5 godina radnog iskustva u medijima u predmetnoj oblasti)

Za sve pozicije potrebno radno iskustvo u timskom radu kroz radne grupe, izrade analize, aktivno znanje jednog od službenih jezika u Bosni i Hercegovini)

Dokumentacija i način podnošenja prijave na Javni poziv:

- Prijava, biografija i dokumenti kojim se dokazuju tražena iskustva se dostavljaju lično ili putem pošte u štampanom obliku, u koverti na kojoj će jasno pisati: „Konsultant/ica za rad u tematskoj grupi – NAVESTI BROJ POZICIJE“ na adresu:

Gender Centar Federacije BiH

Ul. Put života br. 2, 71000 Sarajevo, BiH

- Prijave se dostavljaju najkasnije do **31. maja 2021. godine do 13:00 sati**
- Svi aplikanti koji budu zadovoljili tražene kriterije će biti pozvani na intervju, a nakon čega će se formirati tematske grupe i definisati uloge voditelja tematskih grupa.

Dokumente nije potrebno ovjeravati (u fazi prijave je dovoljna fotokopija). Naručilac zadržava pravo da od odabranih konsultanata prije zaključivanja ugovora traži ovjeravanje dokumentacije ili dostavu dodatne dokumentacije!

Sve prijave koje budu dostavljene na adresu Gender Centra Federacije BiH nakon definiranog roka neće biti razmatrane.

